

Inatsisileritooq (AC -fuldmægtig) Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmut

Kalaallit Nunaata imminut napatinnissaanut inuiaqatigiinni immikkoortortat pingaarnersaasa ilaanni ataatsimi inatsisit sinaakkutaasa ilusilersornerini peqataarusuppit? Inatsisit paasiuminaatsut ajornartorsiutigineqartarnerinik, naalakkersuinerimik sulialinnik sullississallutit aamma sullivimmi avatangiisini illit ilinniarsimassutsivit toqqaannartumik inuiaqatigiit ineriartornerinut sunniuteqartussanik suliaqassallutit ilorrisimaarnariviuk? Taamaappat illit taannaasimassaait inatsisileritooq uagut ujartugarput.

Aalisarnermut, Piniarnermut, Nunalerinermut Imminullu Pilersornermut
Naalakkersuisoqarfimmi Kalaallit Nunaata isumalluutai uumasut aqunneqarnerini imminut nammassinnaasumi akisussaassuseqartumillu qulakkeerinnilluni sulinerimi qitiusumik inissisimaffeqalissaait. Aalisarneq piniarnerlu nunap aningaasaqarneranut, kulturianut aamma siunissami ineriartorneranut qitiulluinnartuupput — aamma illit inatsisilerituutut aalajangiinerit, inatsisit aqutsinerillu inatsisinik patajaatsumik tunngaveqarneri pingaarutilittut inissisimallutit qulakkeertassavatit.

Suliassat

Atorfik aqqutigalugu siammasissumik unamminartumillu naalakkersuinerimik suliallit aalajangersimasumik suliassaannik suliaqartalissaait, tassani illit naalakkersuisoqarfiup suliassaqarfiata tunngavii aallaavigalugit inatsisiliorneq inatsisinik nalunaarutinillu nutarterinerit aamma inatsisilerituut oqaaseqaataannik suliaqarnerit suliarisassavatit. Naalakkersuisumik ingerlaavartumik sullissinerimik peqataassaait aamma Inatsisartunut taakkualu ataatsimiititaliaannut akissusiortassallutit. Taakku saniatigut naalakkersuisoqarfimmi sulisut aqutsinerimut inatsit pillugu siunnersortassavatit, inatsisit qanoq paasineqarnissaannik nassuiaasassallutit, aalajangiussassat tunngaviisa pitsaassusaannik qulakkeerinnittarlutit kiisalu Inatsisartut Ombudsmandiata saaffiginnissutaanik suliaqartassallutit. pinngortitami isumalluutit nungusaataanngitsumik aqunneqarnerisa malittarisassiuunneqarnerini peqataanissannut aamma periarfissaqassaait, aamma siunissaq ungasinnerusoq eqqarsaatigalugu nunat tamalaat aalisarneq pillugu isumaqatigiissusiortfiginerini peqataasinnaassallutit, taakkunani illit inatsisinik paasinnittarnerit iluaqutigalugu Kalaallit Nunaata inissisimaffianut sunniisarsinnaassaait.

Immikkoortortaqarfimmi ilinniakkatigut ataatsimoorussillaqqissumi, ammasumik oqaloqatigiiffiusumi, aamma suliap aaqqiiviginiarnerani suleqatigiinneq qitiutillugu suliaqarfiusartumi peqataalissaait. Suleqatit qanimut isumasioqatigisarlugit, ingerlaavartumik ilisimasanik avatseqatigiittarluni sulisoqartarpoq aamma inatsisiliornermi pitsaassuseq qaffassissoq qulakkeerniarlugu ikioqatigiittarneq ileqquvoq. Ilutigisaanik Naalakkersuisoqarfiup immikkoortortaasa tallimaasut assigiinngitsut suleqatigiinnerini pissusissamisoortumik inissisimassaait, taakkunani suliat pisariusut amerlanertigut ataqatigiissaarneqarnissaminnik, ataatsimoorunneqarlutik pingaarnersiuffigineqarnissaminnik aamma suliaqarfiit assigiinngitsut ataatsimoorullutik inatsisitigut ikiorteqarnissaminnik pisariaqartitsikkajuttarput. Tamanna ima paasineqassaaq; illit immikkoortortaqarfimmi nukittuumik ataatsimoorfiusoq suliffimmilu tamarmi siammasissumik attaveqarfiusartoq suleqataaffigilissagit, tassani illit ataqatigiittoqarnissaanik, inatsisitigut qulakkeerinnittoqarnissaanik aamma naalakkersuisoqarfiup tamarmiusup sulinerata pitsaassusaanik pilersitseqataasassaait.

Suliffimmi ileqqorissuunerup attatiinnarneqarnissaaq samminnittoqartarpoq, tassani sulinerup saniatigut eqaatsumik pissuseqarnissaq inuuneqarnissarlu inissaqartinneqartarput, aamma tassani illit sullivimmi avatangiisit pitsaasut ulluinnarnilu aalajaassuseq suliatigut angorusutatit oqimaaqatigiissaarsinnaassavatit.

Illit piginnaasatit

Inatsisileritooq inatsisilerituutut ilinniarsimasooq misilittagaqarluartoq aamma inatsisinik paasiuminaassinnaasunik erseqqissumik eqqortumillu oqaasertalersuisinnaasooq ujarparput. Suliffeqarfik naalakkersuineramik suliallit aqutaat suliffigissallugu ilorrisimaarnarissavat, tassani sulineq sukkasuumik pisarpoq, aamma inatsisinik nalilersuinerit pitsaasut qularnaatsullu tunniunneqartartussaapput. Namminersorlutit, aaqqissuussaasumik suleqatiginnikkusullutillu sulissasutit, naalakkersuineramik suleriaatsinik soqutigisaqassasutit aamma illit ilinniakkat suliffeqarfimmi atorussagit, tassani inatsisitigut aalajangikkat toqqaannartumik inuiaqatigiit ineriartornerinut sunniuteqartarput.

Kalaallit Nunaanni Namminersorlutik Oqartussani sulisartutut inuuneq suliffimmilu qaffassarnissamut periarfissat

Kalaallit Nunaanni Namminersorlutik Oqartussani inatsisilerituutut suliffeqarfimmi inatsisit pitsaassusaannik inuiaqatigiinnullu akisussaaffik imminnut qanittuaqqat peqataaffigilissavatit. Naalakkersuineramik suliallit aalajangeeriaasii qanimut suliarisallissavatit aamma illit suliaavit inuiaqatigiinnut toqqaannartumik sunniutaannik takunninnissamut periarfissaqalissaatit. Atorfiup suliatigut patajaatsumik inerisassavaatit, naalakkersuineramik suliallit aqutaannik suleriaatsit siammasissut paasinissaannut periarfississavaatit aamma suliaqarfiup ataatsip nuna tamakkerlugu sunniuteqartarujussuup misilittakkanik tuniorassavaatit.

Ilutigalugu Nuummi inuiaqatigiit soqutiginartut neqeroorutaasinnaassapput aamma ilinniakkatigut itinerusumik paasisaqarnissannut pitsaasunik sinaakkutunik tunissavaatit inuttullu ilorrisimaartissallutit neqeroorfigisinnaassallutit. Neqeroorutit tamarmiusut inatsisilerituutut atorfinittussamut ilinniakkatigut qaffassarusuttumut aamma inuiaqatigiinnut attuumassutilimmik suliaqarusuttumut kajungerilersissapput.

Ulloq atorfiniffissaq

Atorfiniffissaq tassaavoq 1. December 2026 isumaqatigiissuteqarnikkulluunniit inissinneqarsinnaalluni.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersaatalinnik piginnaasalik immikkut siunnersortit, siunnersortit pisortaatusiunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaarsaatit kiisalu
paasissutissat allat pisariaqarsinnaasut "qinnuteqaat nassiuguk" toorlugu nassiutikkitt.
E-mail-ikkut qinnuteqaatinik tigusineq ajorpugut.